


Broj: 03-04-8599-___/2024
Bihać, 18.7.2024. godine



SKUPŠTINA UNSKO-SANSKOG KANTONA

PREDMET: Prijedlog Odluke o izmjeni Odluke o neposrednom učešću osiguranih lica u troškovima korištenja zdravstvene zaštite na teritoriji Unsko-sanskog kantona, dostavlja se;-

Na osnovu člana 95. i 181. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17), u prilogu vam dostavljamo prijedlog Odluke o izmjeni Odluke o neposrednom učešću osiguranih lica u troškovima korištenja zdravstvene zaštite na teritoriji Unsko-sanskog kantona, uz sljedeće:

O b r a z l o ž e n j e

Vlada Unsko-sanskog kantona je na 56. sjednici, održanoj dana 18.7.2024. godine razmatrala i Odlukom broj: 03-02-51-956/2024, utvrdila prijedlog Odluke o izmjeni Odluke o neposrednom učešću osiguranih lica u troškovima korištenja zdravstvene zaštite na teritoriji Unsko-sanskog kantona, utvrđene od strane Upravnog odbora Zavoda zdravstvenog osiguranja Unsko-sanskog kantona, predlagača Ministarstva zdravstva, rada i socijalne politike, koja vam se upućuju na razmatranje.

S poštovanjem.

Prilog: Prijedlog Odluke o izmjeni Odluke o neposrednom učešću osiguranih lica u troškovima korištenja zdravstvene zaštite na teritoriji Unsko-sanskog kantona (4x)

Dostavljeno;

1. Naslovu
2. a/a





Na osnovu odredbe člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj 5/08), a u vezi primjene člana 83., 84. i 85. Zakona o zdravstvenom osiguranju („Službene novine Federacije BiH“, broj: 30/97, 7/02, 70/08, 48/11, 100/14, 36/18 i 61/22) na prijedlog Ministarstva zdravstva, rada i socijalne politike, Vlada Unsko-sanskog kantona na 56. sjednici, održanoj dana 18.7.2024. godine, d o n o s i

ODLUKU


I

Utvrđuje se prijedlog Odluke o izmjeni Odluke o neposrednom učešću osiguranih lica u troškovima korištenja zdravstvene zaštite na teritoriji Unsko-sanskog kantona-prečišćeni tekst („Službeni glasnik Unsko-sanskog kantona“, broj: 17/22 i 2/24) i isti se upućuje Skupštini Unsko-sanskog kantona, na razmatranje i donošenje.

II

Ova Odluka stupa na snagu danom donošenja i objavit će se u „Službenom glasniku Unsko-sanskog kantona“.

Broj: 03-02-51-956/2024
Bihać, 18.7.2024. godine



Na osnovu odredbe člana 11. tačka n) poglavlja V A) Ustava Unsko-sanskog kantona („Službeni glasnik Usk“ br.1/04 i 11/04), člana 83., 84. i 85. Zakona o zdravstvenom osiguranju („Službene novine Federaciji BiH“, broj: 30/97, 7/02, 70/08, 48/11, 100/14, 36/18 i 61/22), tačke XVII Odluke o utvrđivanju osnovnog paketa zdravstvenih prava („Sl. novine Federacije BiH“, broj:21/09), a u vezi sa članom 95. Poslovnika Skupštine Unsko-sanskog kantona („Sl. glasnik Usk“ broj: 9/17 i 11/21), na prijedlog Vlade Unsko-sanskog kantona, Skupština Unsko-sanskog kantona, na sjednici održanoj _____.godine, donijela je sljedeću:

O D L U K U

o izmjeni Odluke o neposrednom učešću osiguranih lica u troškovima korištenja zdravstvene zaštite na teritoriji Unsko-sanskog kantona

Član 1.

„U članu 4. stav 2. Odluke o neposrednom učešću osiguranih lica u troškovima korištenja zdravstvene zaštite na teritoriji Unsko-sanskog kantona - prečišćeni tekst- („Sl. glasnik“, broj: 17/22 i 2/24), riječ: 'aprila' zamjenjuje se riječju: 'septembra'.“

Član 2.

Ova Odluka stupa na snagu danom donošenja i objavit će se u „Službenom glasniku Unsko-sanskog kantona“.

Broj: _____
Bihać, _____

Predsjedavajući Skupštine
Unsko-sanskog kantona

OBRAZLOŽENJE

PRAVNI OSNOV

Pravni osnov za donošenje ove Odluke nalazi se u članu 11.n), poglavlje V A Ustava Unsko-sanskog kantona («Službeni glasnik Unsko-sanskog kantona» br.1/04 i 11/04), kojim je određeno da Skupština Kantona donosi i druge propise u obavljanju kantonalnih ovlaštenja, članu 83., 84. i 85. Zakona o zdravstvenom osiguranju („Službene novine Federaciji BiH“, broj: 30/97, 7/02, 70/08, 48/11, 100/14, 36/18 i 61/22), te tački XVII Odluke o utvrđivanju osnovnog paketa zdravstvenih prava („Službene novine Federacije BiH“, broj: 21/09).

RAZLOZI ZA DONOŠENJE

U skladu sa naprijed navedenim pravnim osnovom Skupština Unsko-sanskog kantona donijela je Odluku o neposrednom učešću osiguranih lica u troškovima korištenja zdravstvene zaštite na teritoriji Unsko-sanskog kantona - prečišćeni tekst- („Sl. glasnik“, broj: 17/22 i 2/24) (u nastavku: Odluka o neposrednom učešću) kojom je utvrđeno neposredno učešće osiguranih lica u troškovima korištenja zdravstvene zaštite na teritoriji Unsko-sanskog kantona, osigurana lica koja se oslobađaju neposrednog učešća u ovim troškovima, način plaćanja neposrednog učešća osiguranih lica u pojedinim troškovima zdravstvene zaštite na teritoriji Unsko-sanskog kantona (u nastavku: učešće), mjesto i način naplate učešća, evidentiranje i iskazivanje priliva sredstava po ovom osnovu, način plaćanja učešća za osigurana lica koja su posebnim propisima oslobođena neposrednog učešća i druga pitanja od značaja za provođenje ove odluke.

U članu 4. stav 2. Odluke o neposrednom učešću propisano je da se uplata premije može izvršiti nakon što Odluku o visini premije usvoji Skupština Unsko-sanskog kantona, a u cijelosti mora biti plaćena do zadnjeg dana mjeseca aprila godine za koju se plaća.

Upravni odbor Zavoda zdravstvenog osiguranja Unsko-sanskog kantona (u nastavku: ZZO Usk) donio je Prijedlog Odluke o izmjenama i dopunama Odluke o neposrednom učešću osiguranih lica u troškovima korištenja zdravstvene zaštite na teritoriji Unsko-sanskog kantona, broj: 01-02-1-3140/24 od 05.07.2024.godine, kojom u članu 4. stav 2. Odluke o neposrednom učešću izmijenio riječ „april“ sa riječju „septembar“.

U svom obrazloženju ZZO Usk kao razlog za donošenje prijedloga odluke, iznosi da se premija može plaćati do zadnjeg dana mjeseca aprila, zatim kako su osiguranici pismeno i usmeno navodili da zbog teške materijalne situacije, neredovnih primanja odnosno cjelovite finansijske krize, te činjenice da se je prethodne godine premija mogla plaćati tokom cijele kalendarske godine, istu nisu uplatili, odnosno da treba iznaći načina i omogućiti im uplatu premije. Isto tako, ZZO Usk ističe da uzimajući u obzir socijalne prilike osiguranih lica i njihov doprinos i učešće u obaveznom zdravstvenom osiguranju, da je uslijedila izmjena odnosno produženje roka za uplatu premije osiguranim licima do zadnjeg dana mjeseca septembra.

Ovaj organ podržava prijedloge koje imaju za cilj olakšavanje i unaprijeđenje zdravstvene zaštite stanovništva.

FINANSIJSKA SREDSTVA

Za provođenje Odluke o neposrednom učešću, ZZO Usk je naveo u svom obrazloženju da za isto nije potrebno obezbjediti dodatna finansijska sredstva.





09

UPRAVNI ODBOR

PRILUŽENO	05-07-2024
09-07-8599-7/24	

PRIJEDLOG

Broj: 01-02-1- 3140 /24
Datum: 05.07. 2024.godine

Na osnovu člana 80. stav 1. točka 13. i člana 84. Zakona o zdravstvenom osiguranju („Službene novine Federacije BiH“ broj: 30/97, 7/02, 70/08, 48/11, 36/18 i 61/22) i Odluke o maksimalnim iznosima neposrednog učešća osiguranih osoba u troškovima korištenja pojedinih vidova zdravstvene zaštite u osnovnom paketu zdravstvenih prava („Službene novine Federacije BiH“ broj: 21/09), Upravni odbor Zavoda zdravstvenog osiguranja Unsko-sanskog kantona na sjednici održanoj dana 05.07.2024 godine donosi prijedlog

ODLUKE

o izmjenama i dopunama Odluke o neposrednom učešću osiguranih lica u troškovima korištenja zdravstvene zaštite na teritoriji Unsko-sanskog kantona

Član 1.


U Odluci o neposrednom učešću osiguranih lica u troškovima korištenja zdravstvene zaštite na teritoriji Unsko-sanskog kantona („Službeni glasnik USK-a“, 17/05, 4/09, 4/12, 20/12, 20/14, 25/19, 25/20, 10/21 i 2/24) u članu 4. u stava 2. riječ “aprila” mijenja se i glasi “septembra”.

Član 2.

Ova Odluka stupa na snagu danom donošenja i objavit će se u Službenom glasniku Unsko-sanskog kantona.

PREDSJEDNIK UPRAVNOG ODBORA
ZAVODA ZDRAVSTVENOG OSIGURANJA
UNSKO-SANSKOG KANTONA
BIHAĆ

Ismet Sijamhodžić, dipl.ecc.



DOSTAVITI:

1. Ministarstvu zdravstva, rada i socijalne politike USK-a
2. Kabinet direktora
3. a.a

OBRAZLOŽENJE

PRAVNI OSNOV

Odredbom člana 80. stav 1. točka 13. Zakona o zdravstvenom osiguranju sredstva ličnog učešća osiguranih lica u pokriću troškova zdravstvene zaštite navedena su kao jedan od mogućih izvora finansiranja obaveznog zdravstvenog osiguranja.

Članom 84. citiranog zakona propisano je da osnovicu, način obračunavanja i uplate doprinosa iz člana 80. stav 1. točka 13. utvrđuje svojim propisom zakonodavno tijelo kantona na prijedlog kantonalnog zavoda osiguranja.

RAZLOZI ZA DONOŠENJE

Ranijom Odlukom Skupštine Unsko sanskog kantona broj:01/1-2-45-244/23 od 26.12.2023.godine, navedeno je da se premija može plaćati do zadnjeg dana mjeseca aprila. Obzirom da osiguranici kako navode I pismeno I usmeno zbog teške materijalne situacije, neredovnih primanja odnosno cjelovite finansijske krize, te činjenice da je prethodne godine se premija mogla plaćati tokom cijele kalendarske godine nisu istu uplatili, treba iznaći načina te omogućiti im uplatu premije. Uzimajući u obzir socijalne prilike osiguranih lica i njihov doprinos i učešće u obaveznom zdravstvenom osiguranju, uslijedila je izmjena, odnosno produženje roka za uplatu premije osiguranim licima do zadnjeg dana mjeseca septembra.

Za primjenu ove odluke nije potrebno obezbijediti dodatna finansijska sredstva.

Odjeljenje za pravne i opšte poslove

